



Publicaziuns dalla vischnaunca, jamna 18

Damonda da baghegiar

2014-1018.000

Datum dalla publicaziun: ils 2 da matg 2014

Il patrun: Candreja AG, Via Isla 7, 7151 Schluein

Il representant: MLR Baumanagement GmbH, Kirchstrasse 28, 8574 Dettighofen/Lengwil

Object: Construcziun d'ina halla nova da commerci, parcella 178, Via Plaun da Diras 4, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 28 d'avrel 2014

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2013 – 1045.000

Vischnaunca Disentis/Mustér, Via Cons 2, 7180 Disentis/Mustér; adattaziun dil trassé dalla loipa, parcella 2879, Fontanivas.

Nr. 2014 – 1009.000

Edgar Monn, Via Sursilvana 19, 7180 Disentis/Mustér; midada d'intent el plaunterren, parcella 892, Via Sursilvana 19, 7180 Disentis/Mustér.

Disentis/Mustér, ils 28 d'avrel 2014

Uffeci da baghegiar Disentis/Mustér

Serrada dalla Via Pardomat

Igl uffeci da construcziun bassa dil Grischun realisescha la sanaziun generala dalla via da comunicaziun a Pardomat. Duront las lavurs da construcziun sto la via vegnir serrada per scadin traffic sil tschancun Punt Russein entochen Madernal e quei sco suonda:

1. fasa

Gliendisdis, ils 5 da matg entochen venderdis, ils 6 da zercladur 2014, dallas 7.00 entochen allas 18.00 uras (mintgamai ils luverdis).

2. fasa

Mardis, ils 10 da zercladur entochen venderdis, ils 19 da settember 2014, quei senza interrupziun.

In'untgida ei pussevla sin la via da comunicaziun, Mustér–Cavardiras–Pardomat.

Per pedunzs e velocipedists ei in passadi adina garantius. Per damondas san ins contactar il responsabel digl uffeci da construcziun bassa dil cantun Grischun, Pius Cavegn, telefonin 079 334 74 14.

Nus engraziein per Vossa capientscha.

Disentis/Mustér, ils 28 d'avrel 2014

Interpresa Beer SA

ed uffeci da construcziun bassa dil Grischun

Sigis Schmed, Pius Cavegn



Cussegl da vischnaunca

Rapport da gestiun e quen 2013

En sia seduta dils 23 d'avrel 2014 ha il cussegl da vischnaunca sut il tgamun da Flavio Murer approbau il rapport da gestiun ed il quen annual 2013. Il quen 2013 siara cun in legreivel ault cash-flow da frs. 2 703 890. Quei oreifer resultat ei d'ina vart d'attribuir alla buna disciplina da budget e da l'autra vart a plientradas tier la taglia ed il fetg bien onn hidrologic tier ils tscheins d'aua e la vendita d'energia. Suenter haver fatg pliras amortisaziuns supplementaras dalla facultad administrativa ell'altezia da frs. 2 050 969 siara il quen 2013 cun expensas da frs. 14 735 969 ed entradas da frs. 14 821 134. Il resultat dil quen current munta aschia ad in surpli d'entradas da frs. 85 165. Las amortisaziuns totalas importan frs. 2 902 069. Il quen d'investiziun siara cun expensas da frs. 2 621 684 ed entradas da frs. 671 173 pia investiziuns nettas da frs. 1 950 511. Las grondas investiziuns pertuccan la sanaziun da vias cantunalas e communalas cun frs. 1 239 977, la realisaziun da divers projects forestals cun frs. 560 322 e la sanaziun dil Center da sport e cultura cun frs. 328 339. Pliras investiziuns previdas ell'infrastructura han muort divers motivs externs stuii vegnir spustadas ni schizun sistidas. La vischnaunca ha ils davos onns saviu reducir marcantamein il deivet bancar sin frs. 11 187 000. Il deivet netto per habitont ei sereducius sin frs. 2468, quei che vegn taxau sco deivet mesaun. A vesta dallas grondas investiziuns previdas ei ina buna disciplina da budget da gronda impurtonza. Il quen 2013 vegn conform alla constituziun communalasuttamess al referendum facultativ.

Suprastonza communalas

Referendum facultativ

A caschun da sia seduta dils 23 d'avrel 2014 ha il cussegl da vischnaunca approbau il rapport da gestiun ed il quen 2013.

Conform ad art. 21, al. a dalla constituziun communalas ei il quen annual suttamess al referendum facultativ. Sin proposta da silmeins 80 votants exista la pusseivladad d'inoltrar in referendum enteifer 20 dis dapi la publicaziun officiala.

Il rapport da gestiun ed il quen 2013 ein exponi per investa tier l'administraziun communalas (stanza da publicaziuns).

Suprastonza communalas

Clom d'urgenza 118

Preziasas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli grondas. Perquei s'adressesin nus a Vus cun ina ferventa supplica: clamei ils pumpiers mo sur il clom d'urgenza 118.

Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet:

www.pumpiers-sursassiala.ch

Engraziel per Vies sustegn!

Vos pumpiers Sursassiala



Ordentliche Kirchgemeindeversammlung

der Ev.-ref. Kirchgemeinde der Cadi am Freitag, 23. Mai 2014, um 19 Uhr im Kirchgemeindezentrum Aua Viva in Disentis,
Liebe Kirchgemeindemitglieder, der Kirchgemeindevorstand lädt alle recht herzlich zu unserer Frühjahrsversammlung ein. Nach dem offiziellen Teil laden wir Euch gerne noch zu einem kleinen Umtrunk ein!

Traktanden:

1. Begrüssung
2. Wahl der Stimmenzähler/innen
3. Genehmigung des Protokolls der Kirchgemeindeversammlung vom 10.11.2013
4. Jahresbericht des Pfarramtes, der Kantorin und des Vorstandes
5. Jahresbericht und Rechnung Stiftung
6. Jahresrechnung der Kirchgemeinde 2013, Bericht der Revisorinnen
7. Wiederwahlen:
Für den Vorstand: Susanne Strupler
für den Stiftungsrat: eine Person
8. Anträge
9. Infos und Varia

Anträge zuhanden der Kirchgemeindeversammlung sind schriftlich bis spätestens 9. Mai 2014 an die Ev.-ref. Kirchgemeinde, z.H. der Präsidentin C. Defuns-Kohler, Tumvi 14, 7163 Danis, zu senden.

*Der Kirchgemeindevorstand:
Corinne Defuns-Kohler, Silvia Berther,
Susanne Strupler und Andrea Boeck*

Desertina Bulls

Radunonza generala dils Desertina Bulls, sonda ils 10.5.2014 allas 20.00 el Hotel Sax.
Mira www.desertinabulls.ch

Uniun da dunnas Mustér

Preavis Fiera da Nadal a Mustér

Dumengia, ils 23-11-2014 dallas 11.00-19.00 sin la piazza da scola.
Per annunzias ni damondas saveis contactar:
Fabiana Candinas, tel. 081 947 42 88 / 079 373 61 58,
fcandinas@gmx.ch

Zambergiar per affons pil di dalla mumma

Sonda, ils 10 da matg 2014, allas 9.30–11.00 el Center sursilvan d'agricultura a Mustér
Menadras: Cornelia Berther e Patrizia Cabernard
Affons sut 6 onns mo en accompignament d'ina persuna carschida.
Annunzias: entochen ils 3 da matg tier Cornelia Berther, tel. 081 949 13 74 ni baseli.berther@kns.ch
Cordial beinvegni a vus affons cun bab, tatta, tat, madretscha, padrin, onda, aug, sora, frar, vischina
...



Economia alpestra: in avegnir per la tradiziun?

Il CSA presenta: Temps da stad – In film da Pascale Gmür

Il film realisau en cooperaziun cun l'organisaziun da perscrutaziun Alp Futur muossa vid igl exempel da differentas alps ils tratgs tipics dall'economia alpestra e las perspectives per siu avegnir.

Venderdis, ils 9 da matg 2014 allas 19.30 el Center sursilvan d'agricultura, Mustér

www.sommerzeit-der-film.ch

«Grond kino per las alps» La Quotidiana, 17.8.2013 Silsunter discussiun cun la reschissura Pascale Gmür, in cautegia ed ina signuna ord la regiun.

Cordial beinvegni fa il Center sursilvan d'agricultura.

www.agricultura.ch

Nossadunna da Fàtima

Sonda, ils 10 da matg 2014 allas 11.00 messa «Nossadunna da Fàtima» e processiun (en lungatg portughes) en la baselgia Sogn Gions, Disentis/Mustér.

Uniun samaritana Mustér

Nies proxim exercezi meinsil ha liug:

Gliendisdis, ils 12 da matg 2014 allas 19.30 en casa da scola, Cons.

A stedia participaziun envida

la presidenta

Cuors agid d'urgenza «Refresher»

L'Uniun samaritana Mustér organisescha quei cuors per tut ils interessents che han inaga frequentau il cuors agid d'urgenza (Nothilfekurs) e vulan refrestgentar las enconuschientschas fundamentalas da quel.

Datum: **Venderdis, ils 23 da matg 2014, 19.00–22.00**

Liug: Casa da scola, Mustér

Annunzias: Ein da far entochen ils 12 da matg 2014 tier

Yvonne Flepp, telefon 081 947 50 35, e-mail:

yvonne.flepp@kns.ch

Uniun da dunnas Mustér

Mummas cun affons pigns

Seruschnar – paterlar – termagliar

Tut ils affons da 0 entochen 3 onns cun lur mummas e fargliuns ein cordialmein beinvegni mesjamna ils 2 da matg 2014, dallas 15.00–16.30 per passentar in bi suentermiezdi da cumpignia el local Artgin.

Per damondas ni sclariment stat Nathalie Lutz, Tel. 081 947 61 94 bugen a disposiziun.

Mummas cun affons pigns Mustér